

2025EKO URRIAREN 30EAN TOKIKO GOBERNU BATZORDEAK EGINDAKO OHIKO BILERAREN AKTA

MODUA: Presentzialki

TOKIA: Batzar aretoa

EGUNA: Hogeita hamarra

HILABETEA: Urria

URTEA: Bi mila eta hogeita bost.

HASIERAKO ORDUA: Arratsaldeko bostak eta erdi

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Sei (6)

MAHAIBURUA: Leire Artola Ugalde (EAJ-PNV)

BILDUA: Adur Ugartemendia Leunda (EAJ-PNV)

Mariola Pascual Paredes (EAJ-PNV)

Hasier Agirre Elkoroberezibar (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA / IU-ALIANZA VERDE).

IDAZKARIA: ITZIAR AROZTEGUI APAOLAZA

1.- AURREKO AKTAK: 2025-09-29ko aktaren onespena.

Akten berri eman ondoren, aho batez onartu da.

2.- LURRALDE BATZORDEKO PROPOSAMENAK:

a.- **KONTRATAZIOA**

- **“BONBERIE” ERAIKINA, BEASAINGO ERAKUSKETA GELA, ERABERRITZEKO OBRAK PROZEDURA ARRUNTA ETA IREKIAREN BIDEZ KONTRATATZEKO PROIEKTUA ETA BALDINTZA PLEGU ADMINISTRATIBOA ONARTZEA.** 2025PROB0005

Lurralde Batzordeko proposamenaren berri eman da: Aipatutako obrak kontratatzeke proiektua eta baldintza administratiboa onartzea eta lizitazioa, deialdia publikoaren bidez egitea Euskadiko kontrataziorako plataforman argitaratuz.

1.- Prozedura: irekia publizitatearekin. Lizitazio elektronikoa.

2.- Izapidetzea: arrunta eta irekia

3.- Lizitazio prezioa: 596.292,47 € + 125.221,42 € (BEZ)= 721.513,89 €

4.- Egikaritze epea: 6 Hilabete. Obrak 2026-01-17an hasi beharko dira.

5.- Klasifikazioa: C taldea, 4 azpitaldea eta 3. Categoria.

6.- Kaudimen teknika: Obra burua (Arkitektoa, arkitekto teknika, eraikuntzako ingeniari teknika edo goi mailako ingeniaria, %40etik gorako dedikazioarekin), obraren arduraduna (Titulazio jakinik gabea. %100eko dedikazioa).

7.- Aurkezteko epea eta lekua: 26 egunekoa kontrataziorako plataforman iragarkia argitaratu eta hurrengo egunetik kontatzen hasita . Lizitazio elektronikoa.

8.- Adjudikazio irizpideak:

Formula automatikoen bidez baloratzen ez diren irizpideak (40 puntu)

Memoria teknikoak: 3 azpirizpide

Formula automatikoen bidez puntuatzeko irizpideak. (60 puntu)

Eskaintza ekonomikoa. 50 puntu.

Pleguan ezarritako berme epea handiagoa proposatzea: 10 puntu.

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- Kontratua gauzatzeko baldintza bereziak:

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkariak ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40ra iristen ez direnean.

Hitz egiteko txanda eman ondoren, bildutakoek proposamenarekiko iritziz hauek azaldu dituzte:

Hasier Agirre Elkoroberezibar jaunak (Beasaingo EH Bildu): “Gu abstenitu egingo gara, ez eraikin hori zahar berritzearen alde ez gaudelako baizik eta proiektuarekin zalantzak ditugulako bertan aurreikusten den erabilerraz dagokionean. Guk pentsatzen dugu hainbat helburuetarako erabili daitekeela.”

Alkate andreak (EAJ-PNV): “Eraikin hori beste helburu batetarako ere balioko luke, baina egun erakusketa gela dagoen tokiak ez du uholdeen arriskua bermatzeko baldintzak betetzen eta horren ondorioz gure, apustua izan da “bonberie” eraikina horretarako erabiltzea.

Adur Ugartemendia Leunda jaunak (EAJ-PNV): “Atzealdean dagoen pasadizoan arrapala egiten da eta hor dauden lokalentzat mesedegarria izan daiteke, jardueraren bat martxan jarri nahi izanez gero. Lokalaren azalerak ez du ematen udaltzaingorako izateko.

Aritz Corsitto Agirre jaunak (ELKARREKIN PODEMOS EZKER ANITZA / IU-ALIANZA VERDE), begi onez ikusten du arrapala egitearena.

Bozketa eginda, ondorengo emaitza lortu da:

Aldeko botoak: 4 (EAJ-PNV, ELKARREKIN PODEMOS EZKER ANITZA / IU-ALIANZA VERDE)

Aurkako botoak: 0

Abstentzioak: 1 (Beasaingo EH Bildu)

Etorri gabea: 1 (Socialistas Vascos-Euskal Sozialistak)

Horren ondorioz, proposamena gehiengo osoarekin onartu da.

- ORIAMENDI, 4KO LOKALA GAZTELEKURAKO EGOKITZEKO OBRAK PROZEDURA ARRUNTA ETA IREKIAREN BIDEZ KONTRATATZEKO PROIEKTUA ETA BALDINTZA PLEGU ADMINISTRATIBOA ONARTZEA. 2025PROB0016

Une honetan bilerara bertaratu da, Eva Alvarez Atanes zinegotzia, Socialistas Vascos-Euskal Sozialistak udal taldearen ordezkaria.

- 1.- *Prozedura: irekia publizitatearekin. Lizitazio elektronikoa.*
- 2.- *Izapidetzea: arrunta eta irekia*
- 3.- *Lizitazio prezioa: 221.222,28 € + 46.456,68 € (BEZ)= 268.678,97 €*
- 4.- *Egikaritze epea: 16 aste. Obrak 2026-01-17an hasi beharko dira.*
- 5.- *Klasifikazioa: C taldea, 6 azpitaldea eta 2. Kategoria (ez da beharrezkoa. Aurkeztu ezker saihesten da kaudimen ekonomikoa (urteko negozio bolumena, azken hiru urteetako hoberena: gutxienez, 331.833,43€) eta teknika (arkitektoa, arkitekto teknika, eraikuntzako ingeniari teknika edo goi mailako ingeniaria, %40etik gorako dedikazioarekin), obraren arduraduna (Titulazio jakinik gabea. %100eko dedikazioa), aurkeztea*
- 6.- *Aurkezteko epea eta lekua: 26 egunekoa kontratazioarako plataforman iragarkia argitaratu eta hurrengo egunetik kontatzen hasita . Lizitazio elektronikoa.*
- 7.- *Adjudikazio irizpideak:*

Formula automatikoen bidez baloratzen ez diren irizpideak (40 puntu)

Memoria teknika: 3 azpirizpide

Formula automatikoen bidez puntuatzeko irizpideak. (60 puntu)

Eskaintza ekonomikoa. 50 puntu.

Pleguan ezarritako berme epea handiagoa proposatzea: 10 puntu.

- 8.- *Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.*
- 9.- *Aurkeztu beharreko agiriak: Lizitatzailerik administrazio-baldintzen Pleguan adierazitako agiriak aurkeztu beharko dituzte.*
- 10.- *Kontratua gauzatzeko baldintza bereziak:*
Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkaritza ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40a iristen ez direnean.

Hitz egiteko txanda eman ondoren bildutakoek proposamenarekiko iritzia hauek azaldu dituzte:

Hasier Agirre Elkoroberezibar jaunak (Beasaingo EH Bildu): “Hemen ere aurreko puntuarekin bezala. Zalantzak sortzen ditugu Oriamendi kalea, 4ko lokala gaztelekurako izatearekin. Gaztelekurako lokala, Urbieta-etxean badugu. Lehen espazio horretan garatzen zen zerbitzu hori. Gaztematika kontuan izanda, gure ustetan prozesu bat martxan jarri beharko litzateke aztertzeko Oriamendi, 4ko lokalaren erabilerari buruz. Gaztelekua egotea beharrezkoa ikusten dugu baina, agian, beste toki batean kokatu behar da. Behin baino gehiagotan esan dugu, Oriamendi, 4ko lokalean beste zerbitzu batzuk ere jarri daitezkeela. Arrazoi horiek direla eta abstenitu egingo gara.”

Eva Alvarez Atanes andreak (Socialistas Vascos-Euskal Sozialistak): “Nosotros también nos abstendremos. Pensamos que el espacio debe ser compartido, como ocurre con otros locales. Nos parece bien adecuar el local, pero sin normativizar el uso.”

Alkate andreak (EAJ-PNV): “Udalak Gaztematikaren zati da eta lanketa bat egina dago. Gazteleku zerbitzua emateko, Gaztematikaren eredua jarraituz, kokapena garrantzitsua da. Gure ustetan lehen zegoen baino toki aproposagoa da: Erdi gunean dago, lokalaren alboan plazatxoa dago eta oso gertu frontoia.

Lokala partekatzeari buruz esango nuke, Beasaingo elkarteak ohituta daudela, adibidez Asmube eta Nagusilan elkarteek ere lokala partekatzen dute. Gaztelekua gehienbat aste buruan irekiko da eta ordu jakin batzuetan. Aste barruko beste egunetan erretiratuen elkarteak erabili dezakete, baina plangintza bat egingo litzateke eta orain Urbi Berri zentroa erabiltzeko egin den hitzarmena, aldatu daiteke bertan Oriamendi kaleko lokalaren erabilera ere lagatuz.

Bozketa eginda, ondorengo emaitza lortu da:

Aldeko botoak: 4 (EAJ-PNV, ELKARREKIN PODEMOS EZKER ANITZA / IU-ALIANZA VERDE)

Aurkako botoak: 0

Abstentzioak: 2 (Beasaingo EH Bildu, Socialistas Vascos-Euskal Sozialistak)

Etorri gabea: 0

Horren ondorioz, proposamena gehiengo osoarekin onartu da.

b.- Obra ziurtagiriak:

- BEASAINGO HERRI ARGITERIKO EGUNGO KALEARGIAK DESMUNTATU, ETA LED KALEARGIAK HORNITU ETA MUNTATU. 2 FASEA, EZKIAGA-ERAUSKIN. 1. ZIURTAGIRIA. 2024PROB0004

Aho batez onartu da, “Beasaingo herri argiteriko egungo kaleargiak desmuntatu, eta led kaleargiak hornitu eta muntatu. 2 fasea, Ezkiaga-Erauskin obrei” buruzko 1. obra-ziurtagiria, 105.683,57 €koa (BEZ barne).

- BEASAINGO HAINBAT URBANIZAZIOEN ERALDAKETAKO OBRA LANEN 2. ZIURTAGIRIA. 2025PROB0007

Aho batez onartu da, “Beasaingo hainbat urbanizazioen eraldaketako obra lanen” 2. obra-ziurtagiria, 37.930,86 €koa (BEZ barne).

4.- ESKAERA ETA GALDERAK

Eskaera eta galderen atalean ez da inolakorik aurkeztu.

Eta tratatzeko besterik ezean, bilera arratsaldeko hamazazpi eta berrogeita bost minututan amaitu da eta nik, idazkari naizen honek, akta hau idatzi eta sinatu dut.